

裴漸善洞視鬼物。寓書博陵。崔公曰。當今制鬼無過漸耳。宣室志

蟾丹書字

抱朴云。蟾三千歲者頭有角。領下丹書八字。蕭大山云。此去三千歲應逢八字蟾。

鰲腹天字

易注云。鰲九肋者。勝日吻腹下有天字者不可食。

魚腸乙字

魚枕謂丁。腸謂乙。尾謂丙。皆不可食。爾雅註魚

腸謂之乙者。魚之餒必自腸始。謂之乙者。其形屈如乙字。

東海鰐魚有骨名乙。在目旁。狀如篆乙字。食之鯁人不可出。

鴛書印字

鴛。啄木鳥也。善為禁法。人或閉其穴。則曲爪據地畫印。啄穴即開盜竊效之。以發人之有鑰。

紗籠姓字

李藩僧相之曰。判官是紗籠中人。原化記云。宰相真司必以紗籠護之。藩果相。

王播客揚州木蘭院僧厭苦之飯後擊鐘後二紀播鎮揚州訪舊詩有曰上堂已了各西東慙愧闍梨飯後鐘時僧已碧紗籠之矣續云二十年来塵拂面如今始得碧紗籠

金榜姓字

崔昭暴卒復生云見冥間列榜書人生姓名將相金榜次銀榜州縣小官鉄榜唐書

御改辰字

范文正公倅陳州特郡守母病召道士奏章公曰庸人安能達章帝所耶道士秉簡伏壇終夜

不動試捫其軀則僵矣五吏微動良久謂守曰夫人壽有六年所疾勿慮守問今夕奏章何其久也曰方出天門遇放明年進士春榜觀者駢道以致稽留公問狀元何姓曰姓王名下一字奎注一字遠不可辨既而郡守母病平愈明年狀元乃王拱壽御筆改為拱辰公始嘆道士之通神也

御去伯字

世言姓名同者必曰姓名韓公卞諱論亦引之但杜操字伯度姓名同魏武帝故去伯字資暇錄

御去蟲字

趙宋楊蟬。太宗不識蟬字。因曰。以微類名其子。何也。御筆去蟲名。單。王壺清話

御改儉字

後周長孫慶文帝曰。尚書既安貧素。可改名曰儉。以彰雅操。史

御易昶字

翰林編修朱昶。宣德秋初侍經筵。帝問曰。卿名敬。從尚文耶。對曰。從曰永之昶也。因命書之。帝曰。日者。人君之相。奈何背之。御筆書易以日加

之永首。昶稽首拜嘉。

御改照字

劉輝榜有一生名穆曜。御筆改曜為照字。蓋訛朴魯者為木鷄也。雜

點加勅字

唐屈突通仕隋文帝。與漢王諒約。若璽書召驗勅字加點。則就道。帝立召諒。無驗。諒覺有變。史

餅裂十字

晉何曾務在華侈。每食費萬錢。猶云無下筋處。蒸餅不裂十字者不食。

筮篔朱字

逸史有李生者。其舅姓盧。有道術。別久忽相遇。邀李生詣其居。曰。求得一妓。善筮篔。令侍飲。李生視筮篔。有朱字云。雲中辨江樹。天際識歸舟。尸日。此人名家女。莫要作婚姻否。李莫測而退。後娶陸長源女。乃所見於盧家者。問何能。曰。善筮篔。示之。朱字宛然。李生具說。女曰。往嘗夢至一處。亦記見生。

門書篆字

宿州天慶觀。雍熙中。回道人訪觀主者。不遇。留

詩二首於門。其一云。手傳丹篆千年術。口誦黃庭兩卷經。鶴觀古壇楓影裏。悄無人迹戶長扃。乃玉筋篆。丹書也。人刮去煎湯治病。而字迹復生。

凌雲題字

魏明帝立陵雲觀。誤先釘榜。以籠盛韋誕。輓轆引上書之。去地二十五丈。既下。鬚鬢皓然。還語子弟曰。宜絕此法。

乾德鑄字

趙太祖德四鑑。背有乾德四年鑄字。上大驚曰。

安得已有四年所鑄乎。宰相竇儀曰：昔偽蜀衍
有此年號。上乃嘆曰：宰相須用讀書人。宋長編

大書駭鳥字

嗟我久閣筆。不書紙尾鷺。蘇西新橋詩也。王氏
法帖。最後大書一鷺。此帖之珠。酌至五十餘萬。

疾書楸字

楸音木瓜也。善療筋轉。陶隱居云：如轉筋時。或
書其字。或呼其名。皆可癒也。蓋理有相感如此。

詳見木瓜

鳳尾諾字

唐紀。凡諸侯箋奏。皆批曰：諾。而草書若鳳尾形。
齊江夏王鋒五歲。高帝使學鳳。即工。帝大
悅。以玉麒麟賜之。史

羶筆書字

李紆放舉人榜。未及填禮部貢院。借令史醉。
以羶筆染。不能加墨。迨明方覺。濃淡相間。反致
其妍。遂為故事。推言

鬼畏草字

少保馬公亮。少時夜閱書。忽有大手如扇。自窓
入。公以筆濡雌黃水書草字。窓外大呼。速為我

滌去不然禍及汝公不听而寢將曉哀鳴手不能縮且曰公將大貴我戲犯公何忍致我極地耶不見温嶠然犀事乎公悟以水滌去遜謝而去

犢脇生字

真元中海鹽縣戴文家富性貪刻剥文死隣家一牛生黑犢脇下白毛成字曰戴文文子恥之乃知其父妄取隣之錢也

書字殺鼠

晉淳于髡善厭勝劉柔夜鼠嚙其左手中指髡

為朱書手作田字露王卧明旦鼠伏死

書符召鼠

許邁為鼠嚙衣作符召鼠畢至中庭惟一鼠伏不敢動別傳

書名殺怪

范仲淹字希文嘗夜讀書窓外有巨面物戲之公泚筆書之曰爾面雖然大難欺范仲淹翌日廟鼓面有此字破之枯骨滿腔焚之恠絕

聞名愈瘡

晉桓石虔小子鎮惡勇猛冠時有患瘡者稱桓

石虔以佈之多愈。

齊相康。江南人畏之。以其名佈小兒。病瘥者以其形帖床壁。立愈。史

誦詩愈瘥

有病瘥者。夢子美云。誦吾詩可治。乃令誦。手提髑髏血糝糊之句。病果愈。京詩話

呼名止啼

石勒將麻秋。胡人也。性魁險。有小兒啼。其母輒呼麻名。恐之曰。麻胡來也。兒啼即止。

增修埤雅廣要卷第三十五

增修埤雅廣要卷第三十六

文物門

謬書類

不識紇字

識紇。叔梁紇。皆音恨發切。而世多呼為核。小說唐蕭穎士聞人誤呼武仲名。因曰。紇字也不識。今呼瞎則愈誤矣。

不識杖字

李林甫不識杖杜字。謂韋陟曰。此云杖杜何也。陟俛首不敢言。本

石虔以佈之多愈。

齊相康。江南人畏之。以其名佈小兒。病瘥者以其形帖床壁。立愈。史

誦詩愈瘥

有病瘥者。夢子美云。誦吾詩可治。乃令誦。手提髑髏血糝糊之句。病果愈。東詩話

呼名止啼

石勒將麻秋。胡人也。性魁險。有小兒啼。其母輒呼麻名。恐之曰。麻胡來也。兒啼即止。

增修埤雅廣要卷第三十五

增修埤雅廣要卷第三十六

文物門

謬書類

不識紇字

識紇。叔梁紇。皆音恨發切。而世多呼為核。小說唐蕭穎士。聞人誤呼武仲名。因曰。紇字也不識。今呼瞎。則愈誤矣。

不識杖字

李林甫不識杖杜字。謂韋陟曰。此云杖杜何也。陟俛首不敢言。本

不識臘字

唐戶部侍郎蕭靈與嚴浚言蒸嘗伏臘乃為伏獵浚曰省中有伏獵侍郎者乎。

不識草字

張天覺好草書而不工嘗使姪錄其所書詩姪問此何字天覺熟視詎曰胡不早問致吾忘之矣。冷齋夜話

錯寫撞字

姜度誕子李林甫作子書慶之曰聞有弄麀之喜客視之掩口坡云甚欲去為湯餅客只愁錯

寫弄麀書

妄呼霓字

沈約作郊居賦以卓示王筠讀至雌霓連蜺約曰常恐人呼霓作平聲乃五結反耳司馬公曰約但取嚴律便美非霓不可讀為平聲也。

謬改金根

退之子昶闇劣為集賢校理史傳有金根車韓昶以為誤改根為銀。尚書疏

不辨亥豕

張鷟云亥之與豕涇渭莫分魯之與魚淄澠莫

下注云有人讀史云三豕渡河子夏曰已亥渡河校之果然。

誤認陶陰

簡牘磨滅陶為陰以東為宋者多矣。

訛云帝虎

字書之訛有寫魯為魚以帝為虎。

矯書無點

侯景請於高歡曰握兵在遠易生詐偽請異於他者許之與景書背加微點歡疾篤世子澄矯書召之景知偽懼禍及遂降梁史

一不辨諸孫

郭子儀唐肅宗平安史之亂功居第一以一身繫國安危二十年八子七婿皆列顯官諸孫數十人不能盡辨但領之而已富貴壽考哀榮始終與國同休賜名尚父封汾陽郡王謚忠武。

偽為燼書

後周韋孝寬為南襄州刺史時東魏揚州刺史牛道恒扇誘邊人孝寬患之乃偽作道恒與孝寬書論歸欵意偽為燼書燒迹若火下書者還令送於敵營魏果疑道恒故其經略不見用史

不識孟鑑

陳暄曰。何水部眼不識孟鑑。而吾口不難取。拘

不識韋即

唐李遺史。張延賞選壻。無可意者。其妻苗氏賢。而知人。特選進士韋臯。許之。臯性踈曠。不拘細行。延賞竊悔。由是婢僕頗輕慢之。惟苗氏待之益厚。臯因往東遊。張氏整奩具以治行。後五年。臯擁節旄。會德宗幸奉天。持節西川。替延賞。乃改姓名作韓翹。人莫敢言。人有報曰。替相公者。

韋臯。延賞曰。彼韋生。必填溝壑。豈能乘吾位乎。次日果韋臯也。延賞慚懼。自西門潛遁。臯入見。苗禮奉過。布衣之日。時四濱郭圍。因為詩曰。宣父從周。又入秦。昔賢誰不困。風塵當時甚。訝張延賞。不識韋臯。是貴人。

詐為古帖

李邕不許蕭誠書。蕭乃詐為古帖。示邕曰。右軍真跡。邕欣然曰。是真物。誠以實告。邕復視口。細看。亦未能好。封氏見聞錄

詐誤類

詐醉卧吐

王允之摠角從伯敦夜飲允之辭醉先卧敦與
錢鳳謀逆允之悉聞其言慮疑已便大吐鳳出
敦果照視見卧吐中以為大醉允之還以敦謀
白父舒與王導俱啓明帝晉

誤謝惠羊

有人謝惠羊者曰損惠蹲鴟蓋平日誤讀羊為
羊也

誤認伯偕

張伯偕陳國人伯偕與弟仲偕貌相類仲妻新

妝畢見伯偕問曰汝好否荅曰我伯偕也妻趨
避須臾又見以為仲偕告之曰向大誤認伯偕
為卿荅曰我固伯偕也風俗通

不識伯淳

范祖禹與陳瑩中論顏子不二過惟程伯淳能
之時瑩中不識伯淳乃作責沈文以自責

不識東坡

東坡云得罪以來深自閉塞扁舟草履放浪山
水間漁樵雜處往往為醉人所罵辱輒自喜漸
不為人所識平生親友無一字見及書與之亦

不答。自幸庶幾免矣。回李端叔書

不識司馬

劉綜欲候司馬徽。先使左右問其存亡。徽方鋸
園。左右問馬君所徽。曰：我是徽。頭面醜陋。左右
罵之曰：何等田奴。而稱徽。須臾刷頭飾服而出。
左右叩頭謝之。別傳

妻不識夫

豫讓漆身為癩。吞炭為啞。行乞於市。其妻不識
也。其交識之。史

僧識使者

陶侃家僮千餘人。嘗得胡奴。不喜言。常默坐。侃
一日出郊。奴執鞭隨。胡僧見而驚。禮云：此海山
使者也。侃異之。至夜失所在。

弟不識兄

夏馥被誣。詔捕之。乃變形剪鬚。為治家傭。弟靜
遇馥不識。聞其言聲。乃拜之。

曾識半面

後應奉字世叔。詣袁賀賀。時出。閉門造車。匠開
扇出。半面視奉。後數十年。於路見車。匹而呼之。
史

誤授人官

後魏孝文以李彪為散騎常侍。既而曰：朕誤授人官，然自應有讓。彪啓云：伯石辭卿子產所惡，臣欲之已久，不敢辭讓。史

誤擢登第

唐鄭熏之典文衡也。誤認顏標以為顏魯公之後，擢冠多士。時人為之語曰：主司頭腦太冬烘，錯認顏標作魯公。又古詞：誤認陶潛作阮郎，亦此意也。

錯食螞蟥

蔡謨初渡江，見螞蟥曰：蟬有八足，加以二螞蟥烹之。既食，吐下方，知非蟬。謝尚曰：卿讀爾雅不熟，幾為勤學誤死。

誤酌以醯

唐李景略燕僚佐行酒，誤以醯進。判官任迪簡以李性嚴，強飲而不敢言。順宗記

誤觸響板

蔡確貶新州，侍兒名琵琶，公每扣響板，有鸚鵡能言，輒傳呼其名。及琵琶卒，後誤觸響板，鸚鵡輒傳呼不已。公悒不樂，詩云：鸚鵡言猶在，琵琶

事已非。傷心瘴江水。同渡不同歸。

誤食毛髮

唐甄立言善醫。有道人心腹瀉煩。彌二歲。診曰。誤食髮矣。令餌雄黃一劑。吐一蛇。無目。燒之。有髮氣。

誤墨成蠅

曹不興畫屏風。誤墨點。因作成蠅。孫權謂是真蠅。彈之。

妄認生犢

晉王延。牛生犢。人忍之。延與之。後知妄認犢。還

延。不復取也。與晉宋冲事同。

謬認亡馬

後漢卓茂嘗出行。有人認亡馬。茂知其謬。解與之。它日馬主別得亡者。詣府送馬。叩頭謝之。丈

妄認車牛

劉寬出行。有人失牛者。乃於路就寬車中認之。寬無所言。下駕步歸。有頃。認者得牛而還。叩首謝。寬曰。物有相類。事有脫誤。何謝之有。

誤持曲禮

後魏祖瑩年十二。為中書學生。時博士張天尤

講尚書。生徒悉集。瑩誤持曲禮。乃置禮於前。誦尚書二篇。不遺一字。史

謬丞為郎

何禎為許都賦。帝詔為秘書丞。主者謬以為郎。月餘。禎闕事。上曰。吾用為丞。何故為郎。按主者罪。遂為丞。文傳

誑為浮屠

宋朝俞澹字清老。曉音律。荆公喜之。一日見公云。吾欲為浮屠。無錢買祠部。公欣然為買祠部。約日祝髮。過期寂無聲。公問其然。澹徐曰。吾思

僧亦不易為祠部。已送酒家還債矣。公大笑。

誤為通印

閩中莆田有通應祠。俗誤以為通印。荆公亦云。通印子魚猶帶骨。豈有所稽耶。唐史

詐市人馬

後魏高謙之為河陰令。有以囊盛瓦礫。指作錢物。詐市人馬者。逃去。謙之乃偽枷一囚立於馬市。密察市中。有二人忻然曰。無復憂矣。執問之。悉獲其黨。史

誑認婿牛

隋張允濟為武陽令。元武民以牯牛依婦家。孳十餘犢。及將歸。而婦家不與牛。民詣縣。縣不能決。乃詣允濟。允濟因縛民。蒙其首。過婦家云。捕盜牛者。令盡出牛。質所從來。婦家遽曰。此婿家牛。即撤蒙曰。可以牛還婿。婦家叩頭伏罪。元武吏大慙。

裴子雲斷李進牛還其甥。王進事亦同。

誤告奪資

後孫奮富而性吝。梁冀遺之馬乘。從貸錢五十萬。奮以三千萬與之。冀大怒。誤告奮死於獄。悉

沒其資財。億七十餘萬。史

詐漢王車

項羽圍漢王急。將軍紀信請誑楚。詐乘漢王車。黃屋左纛。曰。食盡。漢王降楚。楚皆稱萬歲。之城東觀。以故漢王與數十騎出西門遁去。羽燒殺信。

誤中副車

張良為韓報仇。始皇東游。至陽武博浪沙中。良令力士為鐵椎。百二十斤。狙擊始皇。誤中副車。始皇驚。求弗得。令天下大索十日。

佯待楚使

項王使使至漢。陳平使為太牢具。舉進。見楚使。即佯驚曰。吾以為亞父使。乃項王使。復持去。更以惡草具進。楚使歸。具以報。項王果大疑亞父。不聽所言。亞父疽發背死。

偽望昭陵

葬文德皇后於昭陵。帝念后不已。墓中作層觀。以望昭陵。嘗引魏徵同登。使視之。徵熟視之。曰。臣昏眊不能見。上指示之。徵曰。臣以為陛下望獻陵高祖陵也。若昭陵。則臣固見之矣。上泣為

之毀觀。

證本傳

詭言餉鮓

齊王瑩與謝超宗交。瑩父茂詣超宗。設麇肥。精白鮓。美鮓。茂問那此佳味。超宗詭言瑩見餉。茂大怒。上言供養不足。坐免郡。史

誤擘假榴

名妓有從良者。嘗召入。值夜宴。時飾假榴。廁釘核。妓誤捉其一。將擘之。左右盧胡妓知其哂已也。少頃復引取之。左右曰。此不可食。懷之何益。妓曰。榴房多子。外人獲之。將以為宜男之瑞也。

由是左右競取之。盤釘為之一空。

誤持人金

漢直不疑為郎。有同舍郎。誤持同舍郎金去。同舍郎意不疑。不疑買金償之。後同舍歸金。亡金即大慙。本

誤持人袴

後陳重舉孝廉為郎。同舍郎告歸寧者。誤持隣舍袴去。主疑重所取。不自申說。重市袴償之。後歸寧者以袴還主。其事乃顯。漢史

誤鳴進鼓

晉桓溫伐蜀。蜀參軍戰沒。眾懼欲退鼓。吏乃誤鳴進鼓。蜀眾大潰。李勢遂降。史

詭吝兵仗

宋顧琛為庫部郎。時伐魏大敗。委棄兵仗。武庫為空。帝宴會有歸化人在坐。帝問庫中仗有幾許。琛詭辭。各有十萬人仗。帝初悔失問。後甚善琛對。史

詐疾得疾

五代唐王建立以宰相判三司。願解三司稱疾。明宗曰。人固有詐疾而得疾者。出為平盧節度。

不辨牝牡

伯樂薦九方臯於秦繆公。穆公使求馬。三月而反。報曰：已得之。在沙丘。牝而黃。往視之。牡而黑。公不悅。召伯樂曰：牝牡物色不能知。何馬之能知也。伯樂曰：臯之所相。天機也。得其精而忘其麤。牡其內而忘其外。馬至果天下良馬。列子

不辨雌雄

詩云。具曰余聖。誰知烏之雌雄。蓋烏質黑而群處。難辨也。

隱語類

曹碑八字

蔡邕題曹娥碑八字曰。黃絹幼婦。外孫。齏臼。楊修曰。黃絹。色絲也。絕字。幼婦。少女也。妙字。外孫。女子也。好字。齏臼。受辛也。辭字。蓋隱語也。是謂絕妙好辭四字。

孤館四字

唐州押衙崔慶成。抵皇華驛。夜見美人。擲書云。川中狗。百姓眼。馬撲兒。御厨飯。慶成不對。後丁晉公見之。曰。川中狗。蜀犬也。百姓眼。民目也。馬

撲兒。瓜子也。御厨飯官食也。乃獨眠孤館四字。
博異志

招飲八字

有遺書招客飲者曰。板戶公堂。斫脚露喪。其人
答云。班犬良賦。趨龜肌肚。古今詩格注云。板戶
木門闕字。公堂官舍館字。斫脚斬足。斲字。露喪
尸出屈字。謂闕館斲屈也。班犬文苟敬字。良賦
尚田當字。趨龜走小赴字。飢肚欠食飲字。謂敬
當赴飲也。

雷書四字

雷擊一敗難者。措其尸于柳下。白而書之。其文
六中生八。若是人莫能識。須史黑雲籠樹。震聲
復作。觀其書更添一長畫直貫於中。乃知米中
半水四字也。

門題活字

楊修為魏武主簿。創第作門。擬於相國。魏武題
門作活字。修即毀之曰。門中活。是為闕字。嫌門
大也。

門題鳳字

嵇康與呂安善。後來值安不在。子嵇喜延之不

入安題門上鳳字而去。喜以為欣，不覺譏其為
凡鳥也。

辨己酉字

裴晉公征吳元濟，發地得石刻云：雞未肥，酒未
熟，解者曰：雞未肥，無肉也；肥去肉為己，酒未熟
無水也。酒去水為酉。破賊在己酉年，果然。宣德

題絲絡字

張昌儀恃易之之寵而奢溢，有題其門口一鈎
絲，能得幾日絡。昌儀書其下云：一日即足，無何
禍及。嘉話

市呼布字

呂布謀誅董卓，有人書呂字於布上，負而行，歌
於市曰：布乎布乎，後布趣兵斬卓。史

呼八人字

翟乾曜天師，大呼於夔州市曰：今夕有八人過，
可善待之。是夕遺火焚數百家，方悟八人乃火
字也。雜俎

避馬涼字

黃冠以符術呪桃木言休咎，有士子扣之曰：未
歲春科詔興賢，敢問甲魁。荅云：馬涼及榜動乃

馮京也。士復扣之。乃曰。天榜未動。機不敢泄。故以馮點移置京旁。寔避之也。

書點檢字

五代周世宗。一日在文書中。拾得一木簡。上書云。點檢作天子。此時張永德做點檢。世宗遂換了永德。教趙匡胤代替。後竟受禪。是為宋太祖皇帝。

改貨泉字

王莽造錯刀契刀。大錢等貨。既篡位。以劉字卯金刀也。乃禁剛卯金刀之利。不得行。罷錯刀契

刀五銖錢等。更作寶貨曰貨布貨泉。人以其字白水負人。時劉秀竟從白水起。

改廣明字

唐僖宗。改元廣明元年。相字者曰。有一人自屋下出來。姓黃氏。左足踏日。右足踏月。自此天下被擾去也。是年黃巢果入長安。

詩謎子

半烟半雨溪橋外。間杏間桃山館中。解得離人無限意。千絲萬緒惹春風。時謂之柳謎子也。但存心裏正。毋愁眼下遲。若人輕著立。便是轉身

時磨詩也。喚起窓全曙。催歸日未西。無心花裏鳥。更與盡情啼。同遊詩也。凡類是者尚多。皆詩之隱體也。茲復有含物而隱言者。語雖鄙諷。亦可以資閑中一笑。遂錄一二。贅于字書之末。

書註

大的不曾說小的。小的尋常說大的。若還要大的意。仔細還的問小的。

字點

寒則重重疊疊。熱則四散分流。村裏不見在村裏。市頭不見在市頭。

蛛網

上不在天。下不在田。中心藏之。玄之又玄。

箸謎

行則同行。止則同止。搬口弄舌。死而後已。

棹跋

我本無名。因汝有名。汝有不平。吾為汝平。

布瑕

身居色界中。不染色界塵。一朝解纏縛。見性始分明。

敗弓

爭帝圖王勢已傾。無把八千兵散楚歌聲。無弦
烏江不是無舡渡。無稍恥向東吳再起兵。無面

藥名

草鋪橫野六七里。遠志笛弄晚風三四聲。菴活
歸來飽飯黃昏後。杜仲不脫蓑衣卧月明。草果

曆本

外頭黃裏頭白。兩頭冷中間熱。看時有節摸時
無節。

井謎

東頭對西頭。南頭對北頭。頭頭對頭頭。四十八

箇頭。

習字

後魏孝文帝會群臣飲酣。帝舉卮曰。三三橫。兩
兩縱。誰能辨之。賜金鍾。越城王勰對曰。是習字。
伽藍記

占筭類

占鼎云舟

孔子使子貢往外。未來謂弟子屯之。遇鼎。皆言
鼎無足。不來。顏子掩口而笑曰。無足者乘舟而
來。賜至矣。詰朝子貢至。

長安賣卜

司馬季主楚人。賣卜於長安市。宋忠賈誼謂之曰。何居之卑。行之污。季主捧腹而大笑。

成都賣卜

前嚴君平。卜筮於成都少城。纔閱數人。得百錢。是日自養。則閉肆下簾。而授老子。今有支機石存焉。

錢塘醉卧

何中正初。及第。聞郭從周精卜。求占。從周贈詩云。二字來時月正圓。一麾從此出秦關。錢塘春

色濃如酒。貪醉花間。計不還。後以八月十五日。改知制誥。出秦州。改杭州卒。翰苑名談

合膏封簡

風角者。觀四隅之風而占之也。後段翳善風角。占有一生從學。辭歸。翳為之合膏封簡書。有急發之。生至段萌。爭渡。吏撾破從者頭。生開封曰。到段萌與吏鬪。破頭者。以此膏裹之。生乃還卒其業。又張子信亦善風角占。

書版索金

晉隗炤善易。臨終書版遺妻子曰。後五年有詔

使來姓龔負吾金以版上書之。至期妻賣版詣使者。使者惘然乃取著筮卦成曰。妙哉。隗生吾不負金。賢夫藏金待大平。知吾善易爾。金有五斤。盛以青甕埋。在堂屋下。去壁一丈。入地九尺。掘之得金。備要

市鷄得奴

唐杜生善易。有亡奴者。生曰。見進鷄使者。可市其一。即得奴矣。果遇使者。得一鷄。忽亡。飛集灌莽上。取之獲奴。史

負粟求卜

後媿顏惡來妙於易。遊市觀卜。有婦人負囊粟來卜。凡七人皆不能成。而強索其粟。惡來尤之。卜者曰。君能卜。何不為卜之。顏因筮之曰。登高臨下水洞洞。惟聞人聲不見形。婦人曰。姪身已七月矣。昨汲井。忽聞胎聲。顏曰。十月三十日生一男子。卜者驚服。史

占五色雀

崔信明五月五日中生。有異雀數頭。身形甚小。五色備。集于庭樹。鳴聲清亮。大史占之曰。五月為火。火為離。離為文彩。日中文之盛也。雀有文

采此兒必文采。聲名播天下。雀形既小。祿位殆不高矣。及長博學強記。下筆成章。而官果不達。

雀啣三鮎

後楊震字伯起。嘗客居於湖。有雀啣三鮎魚。飛集講堂前。取魚進曰。蛇鮎者。卿大夫服之象也。數三者。法三台也。先生自此升矣。後果居台輔。

庭樹鵲闢

北齊張子信善風角。奚水終同子信坐鵲鳴庭樹間。而墮子信曰。有口舌事。敕喚亦不可往。是夜瑯琊王五使召。辭之。詰朝難作。史

坐壞竹牀

至和二年。成都費孝先。遊青城。詣老人村。坐壞其竹牀。孝先欲償其直。老人曰。子視其下。書云。某年月日造。某年月日為費孝先所壞。孝先因師事之。名聞天下。仇池筆記

嵩真術筭

嵩真善筭術。真自筭年七十三。正月二十五日。晡時死。及終。乃至二十四日。晡時死。妻曰。見真多下一筭。慮別有旨。果差一日。有遺恨矣。西京雜記

和璞心筭

邢和璞善心筭。房瑄求筭終身之事。和璞曰。公之病起於魚殮。其木材用龜茲之板。後皆悉驗。

雜錄

發椽着瓦

魏管輅為人卜盜鹿。曰。是汝東巷第三家也。可取一瓦子密發其屋東第七椽。着瓦其上。其夜盜父病頭痛。亦來卜。輅為發之。盜貝服輅。令擔皮肉還故處。病自差。密教鹿主舉椽弃瓦。史

視塚得牛

魏管輅鄰婦失牛。輅卜之。令視諸丘塚。果得牛。

史

失馬作膾

隋楊醜善易。有失馬者來卜。醜曰。向西布第二店。為我買魚作膾。當當得馬矣。其人如教。須臾一人牽所失馬至。禽之。史

筮易得姓

陸羽不知所生。有僧得之水濱。自筮得蹇之漸。曰。鴻漸于陸。其羽可用為儀。吉。乃姓陸。名羽。字鴻漸。

著筭食物

趙達過知故文云。乏蕪味。達取盤中隻筋。再縱橫之。乃言。卿東壁下有美酒一斛。鹿肉三斤。何以為無。是史

箸筭困米

曹元理善筭。陳廣漢曰。有東西二困米。煩筭之。曹以食箸十數轉。云若干。不失圭合。西困差一升。乃有大鼠。可容一升。西京雜志

巧發其中

前李少君善為巧發。齊中坐中有九十餘老人。少君言與其大父游射處。老人見時。從其大父

識其處。一坐盡驚。

覆射類

射篋中棗

上林獻棗。漢武以杖擊殿檻。呼方朔。叱叱。朔朔。未來。此篋中何物。朔曰。上林之棗。四十九枚。上曰。何以知之。曰。呼朔者上也。以杖擊檻者。兩木也。朔來朔未者。棗也。叱叱者。四十九也。上大笑。外傳

射袖中橘

有以故曆裏柑者。懷諸袖。命善射者射之。射者

曰太歲當頭立。諸神不敢當。其中有一物。常帶
洞庭香。開視之。果橘也。

射盃中蟻

上置守宮盃下。令東方朔別布卦。對曰。臣以為
龍又無角。必為蛇。又有足。是非守宮乎。果蜥蜴
也。方朔傳

射匣中鼠

袁客師。天網子也。唐高祖置一鼠匣中。令射之。
師曰。鼠也。入則一。出則四。發視之。鼠果生三子
矣。

射金甌

玄宗將命相。先書名置案上。舉金甌覆之。謂太
子曰。此宰相名也。能知其誰乎。射中。賜卮酒。肅
宗曰。是非崔琳盧從愿歟。上曰。然。

占剝啄聲

康節夜聞扣門聲。先一後五。命子占之。子曰。先
一。乾數也。後五。巽數也。乾金巽木。金短木長。其
借鋤乎。先生曰。夜借鋤無所施。必借釜為折薪
用也。問之。果然。


射十三物

管輅覆射十三物。先說雞子。後道蚕蛹。其十三物。一一次第射之。無不中者。

探蘭中官

歲時記。人日京師貴家造探官蘭。於餽中置簾簽。或削木書官品。人自探取。以卜異時官品得失高下。

增修埤雅廣要卷第三十六



臺灣國家圖書館, NATIONAL CENTRAL LIBRARY, TAIWAN, R.O.C.

增修埤雅廣要卷第三十七

氣化明

天化類

天雨粟

蒼頡造書而天雨粟。鬼夜哭。字學云。書契作詐。偽生。去本就末。天知人將餓。故雨粟。鬼恐為文所効。故哭。

天雨穀

漢宣帝時。江淮飢饉。天雨穀三日。述異記

天雨寶

梁大同中大雨。殿前下雜色寶珠。

天雨珠

使天而雨珠。寒者不得以為襦。喜慶記。攬率天雨。靡尼寶珠。護世珠。美膳瑣言。

天雨碧

碧石之青美者也。從玉石白聲。紀年惠成王七年。天雨碧于鄭。

天雨錢

黃尋。大雨。天飛錢至其家無數。因致富。幽寘錄

天雨金

翁仲孺。涓川人。家貧。一日天雨金十斛於其家。

富等王侯。孝子傳

天雨酒

隋盧思道賀表云。神漿可挹。流珠九戶之前。天酒自零。凝照三壑之下。東方朔神異經。西北海外有人。長二千里。兩脚中間相去一千里。腹圍一千八里。俱曰飲天酒五斗。張華注云。天酒。甘露也。

天雨花

天女以天花散諸菩薩。即皆墮落。至大弟子。便

着不墮。天女曰：結習未盡，故花着身。結習盡者，花不着身。維摩結經

天雨虹

漢上官桀謀廢昭帝，迎立燕王，令群臣皆裝。是時天雨虹，下屬宮中，飲井，井水竭。

天雨沙

拾遺記：平沙千里，色如金，細如粉。風吹起，則如霧。亦曰金霧。亦有雨如塵沙之沙者，災祥之不同也。

天雨毛

毛者，血之餘也。天雨之如馬鬣，亦兵象也。人有得鳧毛長三丈，張華曰：此海鳧毛也。出則天下亂。博物志

天降龍

孔甲既即位，好鬼神之事，不務修德。諸侯多叛。時天降乘龍，有雌雄。孔甲不能食，而未獲。秦龍氏、陶唐氏既衰，其后有劉累，學擾龍于秦龍氏。事孔甲，能飲食之。夏后嘉之，賜氏曰御龍。以更豕韋之後，龍一雌死，潛醢以食夏后。夏后享之，既而使求之，累懼而遷于魯縣。

天投電

後五行志靈帝時有黑氣墮北宮溫明殿東庭中黑如車蓋騰起奮迅千餘丈蔡邕曰所謂天投電也。

天隕石

左氏隕石于宋五星也秦隕石于東郡或刻之曰始皇死而地分使御史逐問莫服盡誅石旁居人燔其石又廬山卓有星墜水化為石當彭蠡灣號落星灣。

天雨血

元統二年春正月庚寅朔雨血于汴梁着衣皆赤。

雷雨金

歷代紀石遵襲位忽震雷雨電如斗金石皆銷漢成帝河平二年四月楚國雨電大如釜飛鳥皆死帝王世紀夷王七年冬雨電大如礪前漢文帝時雨電如梅李景帝永初三年河西大雨電如栝椹大者或如斗殺畜類折樹木成帝時電亦如釜又如釜武帝元封中雨電如馬首晉穆帝永和中雨電如孟升有元雨電其狀有小

兒環玦獅象龜卵之形。

雷收麥

介休縣人宿祠中夜聞扣門云介休王借霹靂車收麥其年果損麥。

日暈虹

侯鯖錄先儒以為雲薄漏日日照雨滴則虹生今以水噴日側視之則暈為虹蜺。詳天日類

虹貫日

荆軻刺秦王白虹貫日聶政刺韓傀白虹貫日兵象也。史

月暈角

後魏晁崇為太史令天興五年月暈左角崇云角中將死是歲天下牛羊麋鹿死者十七八。

虹吐金

異苑薛顧有虹飲其釜顧以酒灌之隨酒吐金滿器。

虹吸酒

常臯鎮蜀虹垂首於筵吸酒旬日拜中書。

天降棺

天下一玉棺鄴縣令王喬曰天帝召我矣天下

銅棺鄭州監酒鄒宿寢而上昇觀夫二事之異而其他不與可謂有為而錫之也矣。

虹飲澗

虹常下澗飲兩頭皆垂澗中。筆談詳見天運門

電繞樞

六帖大電光繞北斗樞星照郊野附寶感而孕乃生軒轅。

虹化金

搜神記孔子修春秋製孝經無成孔子齋戒向北斗而拜告備于天有赤虹見自上而下化為

黃金有刻文孔子受而跪讀之。

雪化銀

耿先生明道術保太中召入宮自稱北犬先生以雪削如銀定投熾火中即為銀。吳錄

星化類

星犯昴

唐丙申星犯昴常見素曰昴者胡也祿山將死矣明年甲寅其殪乎祿山果斫腹而死。史

星聚井

後魏高允曰漢元年十月五星聚東井者誤按

星傳金水二星常附日而行冬十月日旦在其尾二星何因背日崔浩曰考究之當以前三月聚東井非十月也史

星聚奎

趙宋太祖乾德五年三月五星聚奎自此天下文明星如連珠在降婁之次初竇儀嘗於周顯德中嘗謂楊微之等曰丁卯歲五星聚于奎自此天下太平矣

星聚里

陳太丘詣荀朗陵無僕役使子元方將車季方

持杖長文尚少載着後車既至荀使救慈應文慈明行酒餘六龍下食文若亦小坐着膝前其夜德星聚太史奏五百里內賢人聚

星犯座

嚴光與光武同宿光足加帝腹明日太史奏客星犯帝座太急帝曰朕與故人嚴子陵共卧爾

星入斗

熒惑入南斗梁帝曰熒惑入南斗天子下殿走乃跣下殿禳之及聞魏主修出奔慙曰虜亦應天象耶史

星化僧

李淳風奏北斗當化為人。明日至西京飲酒。使
候之。乃七僧共飲二石。太宗召之。僧曰。此是李
淳風小兒。饒舌也。忽不見。國史纂異

星化女

姚生為唐御史。有一子。二甥於條山。結屋讀書。
一日有寶馬數百。一夫人與三女至。年皆十七
八。以配三子。謂曰。但百日不泄。令君長生。位極
人臣。三子皆昏頑。為夏夫人。召孔宣父。示以六
籍。周尚父。示以兵法。三子得才。兼文武。家僮

以告。姚召三子。神氣秀麗。占對閑雅。問之苦不
言。鞭之具告。一碩儒曰。吾見織女。婺女。須女。三
星無光。必此降福。三子遣歸。夫人復與三子別。
飲以湯。昏頑如故。

星化肉

漢主聰淫泆無度。嘗建螽斯則百堂。求生百子。
堂災燒殺其子二十一人。血雨於東宮。時有星
隕平陽。化為肉。徑二十八步。羣臣諫以淫色所
致。聰曰。自是天家事。於朕何干。

星化豕

有里姬素敬一行其子以罪繫獄將刑求救於
一行行以數推之當有赦遣其徒以布囊於某
處廢園伺之有物來其數七共捕以囊盛之獲
七豕一行置大甕中密覆呪封以梵字太史奏
北斗不見召師問之曰莫若大赦從之星復見
酉陽雜俎

星化石

元史冬十月有星如火從東南流芒尾如曳筆
墮地有聲火焰蓬勃久之乃息化為石青黑光
瑩形如狗頭命歲于庫

星化井

天文志司星奏曰三台星墜于蜀化為三井遣
使人驗之撞麗譙鐘聲為度而汲之各使人候
于井遂汲一而兩動

星化槐

春秋說題槐木者虛星之精也元命包曰樹槐
而听訟其下注槐之言歸也情見歸實也今訟
所多列槐也

星墜營

諸葛亮之伐魏也進軍渭南病篤有大星赤而

芒墜亮營中。未幾亮卒。司馬懿案行其營壘。歎曰。天下奇材也。

精化蒲

典樹堯時。天降精於庭。為旌。感百陰。為昌蒲。神仙傳。漢武帝至嵩高。遇仙人長二丈耳。下垂眉。帝禮而問之。曰。吾九疑山人。聞中岳石上有昌蒲。一寸九節。食之可以長生。故來採之。帝曰。彼非欲服食。以喻朕耳。

青化人

宋元豐末。嘗有物大如席。夜見寢殿上。至大觀

間。漸晝見。政和以來。大作。每得人語聲。則出。先若列屋。摧倒之聲。其形僅丈餘。彷彿如電。金眼。行動硜硜有聲。兵刃皆不能施。或變人形。亦或為驢。晝夜出無時。習以為常。人亦不大怖。時洛陽府畿內。忽有物如人。或蹲踞如犬。其色正黑。不辨眉目。始夜則掠小兒食。後雖白晝。入人家為患。所至喧然不安。謂之黑漢。二年乃息云。

彗化胡

唐安祿山營州雜胡也。姓康氏。母為巫。禱于阿犖山神而生。火光發氊帳。百鳥皆鳴。自是彗現。

于天。父死，隨母再適安氏，改名安祿山。張守珪為節度使，得之，使討契丹，敗，執送京師。帝愛其才而赦之，後請為貴妃兒，出入宮掖，醜聞于外。遂反，自稱大燕皇帝，起兵一年，目漸昏，不能視物。又病疽，子慶緒遣李猪兒夜聽其腹腸血流，數斗而死。是夜彗星落。

熒守心

宋景公者，熒惑嘗以其特守心。心，宋之分野。公憂之，司星子高曰：「可移於相。」公曰：「相，吾之股肱。」曰：「可移於民。」公曰：「君者待民。」曰：「可移於歲。」公曰：

歲，飢民困，吾誰為君？子高曰：「天高聽卑，君有君人之言三，宜有動侯之果，徙二度。」

熒在匏

後魏太史奏：熒惑在匏瓜星中，忽失所在。崔浩曰：「庚午辛未，重陰也。失熒惑，庚與未主秦，辛為西夷。今魏興據咸陽，是熒惑入秦矣。後熒惑果出東井，明年魏興死，三年國滅。」

熒在歲

魏帝修奔長安，先是熒惑入南斗。梁帝曰：「熒惑入南斗，天子下殿走，乃跣下殿禳之。」及聞修出

奔慙曰虜亦應天象邪。

火化鳥

武王東觀兵。至于盟津。渡河中流。白魚躍入王舟中。武王俯取以祭。既渡。有火自上復于下。至于王屋。流為鳥。其色赤。其聲魄。

槎犯斗

博物志云。天河與海通。有人居海上。每年八月。見浮槎往來。不遠時。嘗一糧而去。奄至一所。屋宇嚴邃。宮中一織婦。一丈夫飲牛。驚問何由至此。告其故。因問何處。曰。若至蜀訪嚴君平。則知。

之後。詩君平曰。此日客星犯牛斗。今成都有支機石。

酒化雨

蔡巴飲酒。西南巽之。曰。臣本縣成都。今失火。故巽酒為雨。以滅火。驛書馳問。云。昨日雨東北來。皆酒氣。又後郭憲向東北舍酒。三巽救齊國失火。晉佛圖澄巽酒向幽州救火。三事同。並見史。

增修埤雅廣要卷第三十七

增修埤雅廣要卷第三十八

氣化門

地化類

泉化醴

地出醴泉。禮運：王者政平，醴泉湧出。

泉化酒

酒泉郡。城下有金泉，味如酒。漢地理

泉化乳

南劍州天階山乳泉。服之，登山巔如飛。寰宇記

井化酒

常德府城外十五里地名河汭，有崔婆者賣茶為活。遇有僧道過，必施與之。一道人往來，凡十餘次，崔婆與茶無厭。道人曰：我欲使汝改業賣酒。如何？崔婆喜。道人以杖拄地，清水迸出。崔婆取之以歸，味如酒，濃而香。買者如市。若它人汲之，則常品水也。崔大享其利，道人重來，崔婆謝之。云：只恨無糟養猪，道人怒其貪，以杖拄泉，則無復酒味矣。其井至今尚存。

石出髓

嵇康遇王烈共入山，烈見石裂得髓，食之。因携

增修埤雅廣要卷第三十八

氣化門

地化類

泉化醴

地出醴泉。禮運。王者政平。醴泉湧出。

泉化酒

酒泉郡。城下有金泉。味如酒。漢地理

泉化乳

南劔州天階山乳泉。服之登山嶺如飛。寰宇記

井化酒

常德府城外十五里地名河湫。有崔婆者賣茶為活。遇有僧道過必施與之。一道人往來凡十餘次。崔婆與茶無厭。道人曰。我欲使汝改業賣酒。如何。崔婆喜。道人以杖拄地。清水迸出。崔婆取之以歸。味如酒。濃而香。買者如市。若它人汲之。則常品水也。崔大享其利。道人重来。崔婆謝之。云。只恨無糟養猪。道人怒其貪。以杖拄泉。則無復酒味矣。其井至今尚存。

石出髓

嵇康遇王烈共入山。烈見石裂得髓食之。因携

少許與康已成青石。擊之瑳瑳。再往視之。斷山
復合。仙經云。神仙五百年一開。石髓出。服之與
天齊壽。

石流血

三齊畧記。始皇作石橋。欲過海。看日出處。有神
人驅石下海。石不速去。神輒鞭之。石皆流血。

石點頭

僧生公講經於虎丘寺。人無信者。乃聚石為徒。
與談至理。石皆點頭。

石有言

晉有石言。晉侯問師曠對曰。石不能言。或憑焉。
抑聞作事不時。小民怨議。則有非言之物而言。
左昭四年又晉劉曜時。有石言於陝。若言勿東也。

石共語

庾信至北方。惟愛溫子昇韓山寺碑。曰。惟此片
石。堪共語。餘皆驢鳴犬吠爾。

石化虎

李廣夜見草中石。以為虎。射之沒羽。視之石也。
復射。終不能入矣。

石化玉

石化玉即設義漿種石子成玉事詳見雍伯璧

石化羊

神仙傳黃初平年十五牧羊有道士將至金華山其兄初起覓道士求弟既見問羊何在初平曰羊近山東初起曰不見初平叱之羊起皆白石耳

陸沉刹

大隋者成都古天彭之西嶺名刹昔神照大師演大宗乘燒蛇于此時有一白蛇纏錫不就斲師曰做這箇形骸猶不肯捨乃於七佛樓後卓

錫為井井上立廟名曰白龍君國朝正統十三年歲在戊辰六月二日井水忽自湧出須臾大至樓殿震動僧方擊鼓號鐘以警有衆見其勢不可遏遂攀岩緣木奔騰四走及回視之前後樓殿周環廡宇悉皆陷沒惟溷廁在山側不預泥焉

地陷座

桓玄篡二年九月冊命玄為相國摠百揆封十郡為楚王加九錫十二月玄即皇帝位玄入建康宮登御坐而床忽陷羣臣失色殷仲文曰將

由聖德深厚。地不能載。玄大悅。辛亥。玄遷帝於尋陽。

地產毛

元運之將終也。地產白毛如銀線。

地湧山

新豐有山從地湧出。武后解易名曰慶山。縣俞文俊上書曰。天氣不和寒暑併。人氣不和贅疣生。地氣不和地阜出。

地降山

郊邑曠有牧地。一夕風雨暴至。黎明有山充仞。

其處居氓往芻蕘焉。忽見一仙姝謂曰。我青女神也。奉帝命血食此方。歸語而宰。宜以山至之日祠我。言訖而隱。

岸為洲

殷仲堪晉人見流棺葬焉。旬日門前溝忽起為岸。其夕有人自稱徐伯玄云。感君之惠無以報也。水岸為洲。君將為州矣。果任荊州都督軍事。

真行錄

宋張興世初生。門前水中忽起洲。及為方伯。洲至十餘頃。史

海變田

麻姑謂王方平曰。見東海三變為桑田。向到蓬萊水淺於往者。畧半也。東海行復揚塵乎。神仙傳

水漂山

史成紀山。一夕大水漂流六十里。居民宅墓徙焉。又中山靖王傳曰。衆煦漂山。煦之為言。烝也。溫潤之也。

神移山

太行王屋二山高萬仞。愚公九十面山居。惡而將移之。山神懼。告帝。帝命夸娥氏二子負山一

措朔東。一措雍南。

愚公曰。我死有子。子又生孫。而山不加增。何苦而不平。列湯問

靈擘山

王涯太華仙掌辨云。昔河自積石出於西流。既越龍門。遂弭南馳者千數百里。折波左旋。將走東溟。連山寨之壅不得去。有巨靈於此力擘而剖其中。距而北者為首陽。絕而南者為太華。自此泄。其掌跡猶存。

鰲戴山

策疆使巨鰲十五舉首戴海東五山詳鰲

鰲冠山

東海鰲冠蓬萊游滄溟。垤蟻曰彼冠山何異我戴粒道遙於封壤之巔伏乎窟穴也。符子

山為池

史元統二年八月京師地震雞鳴山崩陷為池方百里人死者甚衆。

人化類

男化女

宋都城有賣青果男子孕而誕子。蓐母不能收

易七人始免而逃。

女化男

燕有女子化為男。燕主以問羣臣。傳權對曰。西漢之末雌雞化為雄。猶在王莽之禍。况今女化為男。臣化為君之兆也。趙宋徽宗時有酒肆朱氏子。其妻忽生髭。其人可四十餘。髭鬚長僅六七寸。踈秀甚美。宛然一男子。特詔度為女道士。

人化龍

張公諱路斯為宣城令。夫人石氏生九子。張公釣於焦氏臺。歸則體常濕而寒。夫人問故。曰我